

Uunga siunnersuut: Akiliisarfik Ilanngaassivik pillugu Inatsisartut inatsisaata atorunnaarsinneqarnera pillugu Inatsisartut inatsisaat.

(Aningaasaqarnermut, Aatsitassanut, Inatsisit Atuutsinneranut Naligiissitaanermullu Naalakkersuisoq)

Saqquummiussissut

(Aningaasaqarnermut, Aatsitassanut, Inatsisit Atuutsinneranut Naligiissitaanermullu Naalakkersuisoq)

Siullermeerneqarnera

Manna Naalakkersuisut sinnerlugit akiliisarfik Ilanngaassivik pillugu Inatsisartut inatsisaata atorunnaarsinneqarnera pillugu Inatsisartut inatsisaannut siunnersuut saqqummiunneqalerpoq.

Ilanngaassivik pillugu inatsit suli atuutilinngilaq. Taamaattumik atorunnaarsitsineq innuttaasunut, inuussutissarsiorfotunut imaluunniit pisortanut kinguneqartussaanngilaq.

Akiliisitsisarnermik atortorissaarummut pisortanut akiitsut ataatsimut isigalugu apparinneqarnissaat siunertaavoq. Akiliisitsisarnermik atortorissaarummut ilaaatinneqarnissaq pisortanut akiitsulinnut piumasaqaataasussaagaluarpoq, allanullu kajumissusiulluni. Innuttaasut ataasiakkaat aningaasarsiai atortorissaarummut ikineqartassagaluarput, innuttaasumullu aningaasat tunniunneqannginneranni akiligassat ilanngaatigineqartarlutik. Naalakkersuisulli periuseq tamanna akuliunneruallaartoq aamma naapertuitinngitsoq isumaqarput.

Ilanngaassivilli atorunnaarsinneqarluartoq, innuttaasuvut suli pisortanut akiitsoqarput.

Akiitsut 1,1 mia. kr.-unerat pissutigalugu, innuttaasut ataasiakkaat tamarmik ukiui apeqquaatinnagut 19.000 kr.-nik akiitsoqarput.

Akiitsut innuttaasunut akiitsoqartunut ajornartorsiutaanerupput. Akiitsut atugarliortitsisinnaapput aamma eqqasuuteqartitsillutik. Taamaammat akiitsut aamma akiitsoqartut meeraannut qanigisaannullu ajornartorsiutaasarp. Pisortat sullississutaanut akiiliutissat annikinnerulerlarmata, akiitsut tamatsinnut sunniisarp.

Taamaammat Naalakkersuisut Ilanngaassivimmik taarsiisussamik periusiliornissaq pingaartippaat. Ineqarnermut akiitsunut tunngatillugu akiitsulinnut siunnersuisarnikkut angusaqarluareerpuugut. Suliniut taanna misiliutitut aallartitoq maanna nuna tamarmut atuutilerpoq. Akiitsulinnut siunnersuinermi innuttaasup aningaasaqarnera aamma akiitsoqarnera toqaannartumik oqaloqatigiissutigineqartarpoq. Naalakkersuisut taamatut

periuseqarneq aningaasarsianik tunniussinnginnermit pitsaanerusoq isumaqarput. Naalakkersuisut inuttaasut iluaquuserniarlugit suliffissarsiornermi ikorsiissutinik aamma ikorsiissutinik aaqqissusseqqinnermut, kiisalu angerlarsimaffeqanngitsut pillugit politikkimi suliamat atatillugu akiitsulinnut siunnersuineq pitsangorsarneqassasoq kissaatigaat.

Taamatut naatsumik oqaaseqarlunga siunnersuut Inatsisartunut kajumittumik suliassanngortippara.